



25. november 2016

Inatsisartut suleriaasianni § 37 naapertorlugu matumuuna saqqummiuppakka apeqquuit makku:

**Naalakkersuisunut apeqquuit Tunumi kiffartuussinermut isumaqatigiissutit pillugit:**

- 1. Tunumi timmisartuussinermi timmisartut qanoq ittut atorneqarnissaat naatsorsuutigineqarpat kiffartuussinermut isumaqatigiissutit nutaat kinguneranik.**
- 2. Tunumi illoqarfiiut nunaqarfiillu akornanni timmisartuussisarnerit qanoq akuttutigissappat?**
- 3. Ullumikkut akinut naleqqiullugu akeq qanoq issappat?**
- 4. Kulusummiik Kulusummullu timmisartuussinermi qanoq sivisutigisumik utaqqisoqartarnissaa naatsorsuutigineqarpa?**
- 5. Qanoq iliortoqarpat qularnaarumallugu timmisartuussinermik suliaqartut assigiinngitsut suleqatigiinnissaat piffissanut pilersaarut nassatanillu kiffartuussinissaq eqqarsaatigalugit?**
- 6. Naalakkersuisut Tunumi kiffartuussinermut isumaqatigiissutinut attuumassuteqartunik allanik oqaatigisaqarsinnaanerlutik?**

(Inatsisartunut ilaasortaq Justus Hansen, Demokraatit)

**Tunngavilersuut:**

Kujalleq aamma Qaasuitsup Kommuniani borgmesteri torlulaartaannavissut malugineqarput, kiffartuussinermut isumaqatigiissutit iluarinagit oqalummata.

Kisianni aamma nunami maani immikkoortoqarpoq allanik, kiffartuussinermut isumaqatigiissutit nalornilersitarisimasaannik. Sualummik Tunumi, tassani kiffartuussinermik taaneqartoq ukiorpassuarni innuttaasunut naammaginarsimanngeqaaq.

Qanorluunniit ilungersortigigaluaruma Tunumi angallassinermut aaqqissuussinissaq pillugu apeqquutikka akiumaneqanngillat. Taamaattumik allatut ajornartumik uku apeqquutigisariaqalerpakka neriuullunga akissutit uanga Tunumilu innuttaasut paasisimasaqarnerulersikkumaaraat.

Timmisartuussinissamut pilersaarutit aasakkut ukiukkullu. Kulusuk aamma Ittoqqortoormiit ?

Timmisartut suluusallit qanoq ittut?



**DEMOKRAATIT**  
DEMOKRATERNE

Airgreenlandip qulimiguujutaanik suleqateqarneq, timmisassasut tamarmik pax-iminni, piffissani ullunilu pilersaarutaareersuni?

Pisattanik isumaginninneq? Aallarfik aamma tikiffik?

Apeqqutit akeqquneqarput ullut suliffiusut qulit iluanni.